



18. februar 2020

Inatsisartut Suleriaasianni § 37 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit:

Suliffeerunnermi ikiorsiissutit pillugit inatsisartut inatsisaat nr. 2, 15. maj 2014-imeersumi, §13 imm. 4-imi, aammalu Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersumi § 6 imm. 2-mi pisortanit ikiorsiissutinik imaluunniit suliffeerunnermi ikiorsiissutinik pisartagallit piumasaqaatinik aalajangiunneqarsimasunik naammassinninngippata pineqaatissiinermut periarfissat arlallit kommunalbestyrelsep atorsinnaasai nassuiarneqarput.

1. Qanoq aammalu qanoq annertutigisumik Suliffeerunnermi ikiorsiissutit pillugit inatsisartut inatsisaat nr. 2, 15. maj 2014-imeersumi, §13 imm. 4-imi pineqaatissiinermut periarfissat kommuunini ator neqartarnersut Naalakkersuisut paasissutissaqarpat?

2. Qanoq aammalu qanoq annertutigisumik Pisortanit ikiorsiissutit tunniunneqartarnerat pillugu, iliuusissatut pilersaarutit, sulisinnaassuseq il.il. pillugit Namminersornerullutik Oqartussat nalunaarutaat nr. 4, 15. marts 2007-imeersumi § 6 imm. 2-mi pineqaatissiinermut periarfissat kommuunini ator neqartarnersut Naalakkersuisut paasissutissaqarpat?

3. Naalakkersuisut suliamut allanik soqutiginaatilinnik paasissutissaqarpat?

(Inatsisartunut ilaasortaq Simigaq Heilmann, Demokraatit)

Tunggavilersuut

Suliffeqanngitsut sulileqqinnissaannut ikiorsiissutaasunut piumasaqaatinut pinaaseraangata inuiaqatigiittut tamatta ajorsartarpugut. Tamatta suleqataasariaqarpugut.

Qujanartumilli kommunalbestyrelsit iniatsisigut inunnt taakkununga pineqaatissiinissamut periarfissaqarput.

Apeqqutit qulaani allaqqasut tunggavigalugit peqqussutit taakkua malinneqartarnersut aammalu qanoq annertutigisumik malinneqartarnersut paasisaqarfigerusuppara, taamaalinnikullu inuiaqatigiinnut tunniusseqataarusunngitsunut nunatta aningaasaataannik asuli paggatsitsissaassangaluarpugut.

Kissaatigaara apeqqutima ullut sulliviit naliginnaasut qulit iluanni akineqarnissaat.